

明季北略

明季北畧卷之十

錫山計六奇用賓編輯

崇禎七年甲戌

袁繼咸論謫言官

正月謫給事李世祺于外。以劾大學士溫體仁。吳宗達也。山左提學袁繼咸上言曰。養鳳欲鳴。養鷹欲擊。今鳴而箝其舌。擊而繼其羽。朝廷之於言官。何以異此。使言官括囊無咎。而大臣無一人議其後。大臣所甚利。忠臣所深憂。臣所爲太息也。且皇上樂聽讜

言而天下誤以攻彈大臣爲天子所厭聞其勢將披靡不止也。上以越職言事切責之。

袁繼咸論非內官

總理太監張彝憲請入覲官投冊以隆體統。詐之時二月也。袁繼咸上言曰：士有廉恥，然後有風俗；有氣節，然後有事功。今諸臣未覲天子之光先拜內臣之座，士大夫尙得有廉恥乎？逆璫方張，時義子乾兒昏夜拜伏，猶以爲羞。今日晝公庭恬不知怪，所爲太息也。上以越職言事責之。張彝憲奏辯覲官參謁乃

尊朝廷繼咸復上言尊朝廷莫大于典例。知府見藩
臬行屬禮典例也。見內臣行屬禮亦典例乎。諸司至
京投冊吏部各官典例也。先謁內臣亦典例乎。事本
典例雖坐受猶以爲安。事創獎懲卽長揖抵增其辱
高皇帝立法內臣不得于外事。若必以內臣繩外臣
會典所不載。士仍切責之。

信州內臣

二月監視登島太監魏相以給事中莊鰲獻上太平
十二策內請徹監視因求罷上不允因貶鰲獻于外

五月陝西按察副使賀自鏡奏監紀太監孫茂霖玩
寇宜府太監王坤奏監軍紀功罪耳。追逐有將吏在
果如自鏡言。則地方官罪不在茂霖下矣。土不問
六月敘禁旅功。隆太監曹化淳。世襲錦衣衛千戶。袁
禮揚朝進。盧志德各百戶。以擊盜屢捷也。

論罷監視太監

六月罷各道監視太監。諭曰。朕御極之初。徹還內鎮。
舉天下悉以委之。大小臣工。比者多營私罔恤民艱。
廉謹者又迂踈無通論。己巳之冬。京都倭兵宗社。

惡此士大夫負國家也。朕不得已用成祖監理之制。
分遣各鎮覲視。添設兩部總理。雖一時權宜。亦欲諸
臣自知引罪。今經制粗立。兵餉稍清。諸臣亦應知者。
其將總理監視等官。盡行撤回。以信朕之初心。惟關
甯密邇外境。高起潛兼兩鎮。暨內臣提督如故。

倪元璐請徹監軍

十一月侍讀倪元璐上言。邊臣之情。歸命監軍。無事
果成爲恭。寇至推委。百出陽以號于人曰。吾不自由
也。陛下何不信賞必罰。以待其後。而必使近習之人。

誠之鋒鏑。又使藉口。迄用無成哉。始陛下曰行之有績。卽微今行之無績。益宜微不聽。

陳子壯與溫體仁有隙

禮部右侍郎陳子壯嘗謁大學士溫體仁。體仁盛稱主上聖神。臣下不宜異同。子壯曰。世宗皇帝最英明。然廟廟之議。勛戚之獄。當日臣工猶執持不已。皇上威嚴有類世宗。而公之恩遇孰與張桂。但以將順而廢匡救。恐非善則歸君之意也。體仁意沮。遂成嫌隙。

陳奇瑜總督五省

二月進延綏巡撫陳奇瑜兵部右侍郎總督陝西山西河南湖廣四川軍務。賊所向隨方勦撫。先是賊既蔓延秦晉楚豫之郊。流突無定。廷議以爲各鎮之事權不一。互相觀望。宜以重臣開督府統攝諸道兵討賊。上允之。僉議洪承疇因陝西三邊所恃。未可輕易。故有奇瑜之命。

李自成降叛不常

洪承疇精韜鈴。率曹文詔曹變蛟賀人龍等。凡破賊于甯塞於西安於延北於西濠於莊浪斬賊渠神一

魁等招降中斗星等先後勦獲甚眾山是張獻忠與
延安賊李自成奔盩厔間

六月陳奇瑜圍自成于漢中車廂峽會連兩四十日
弓矢俱脫賊馬乏芻死者過半自成窘乃自縛乞
降奇瑜許之各給免死牌籍七月七日辛卯賊至鳳
翔藉口奉督撫檄安插城內守臣知其詐給以門不
敢啓須臾城上先登三十六人盡殺之奇瑜因借爲
辭劾地方官紳携僕撫局命緹騎逮寶雞知縣李嘉
彥鳳翔鄉紳孫鵬等五十餘人下獄

李自成陷登城圍邵陽門洪承疇兵至解圍去轉紆平涼邠州。八月自成陷咸陽殺知縣趙濟昌。官兵至賊棄金帛餌官兵。竟西遁屯乾州。招之不聽。復陷隴州。賊到處烏合。簡精壯爲前驅。收婦女老弱。急則用之。餌官軍。故諸臣動稱斬馘。報捷賊勢實不減。

陳奇瑜報降賊一萬三千有奇。先是眾賊爲洪承疇所逐。竄漢中。二月陷興山。王申入瞿塘。陷夔州。三月川兵敗賊于巴州。據巴西諸險。賊不能度。且飢無所得食。故乞降于奇瑜。奇瑜降檄諸部。按甲無動。遣官

監護降者且檄所過郡邑爲具糗糧傳送之諸賊舉無降意又未大創。徒以飢疲困于地險不得逞。旣度棧道已出險。漸不受繩束。仍事殺掠。所至罷市。賊遂盡殺監視官五十員。攻陷麟遊。永壽。勢不可遏矣。此八月事。

閏八月陳奇瑜至鳳縣。時賊益熾。北接慶陽。西至鞏昌。西北至邠州。長安西南至盩厔。寶雞。殆二十萬。奇瑜始悔其見愚。急分兵出禦。而兵已寡矣。九月賊陷靈臺。崇信。白水。涇州。復陷扶風。

洪承疇遣總兵左光先等援隴州。賀人龍圍始解。十月左光先擊自成于高陵。富平間斬首四百餘級。自成佯求撫。真甯知縣王家永遽信之。出城招諭。失其印。甲寅陝西巡按傅永淳上言。漢南降賊陷城破邑。所在騷然。皆由奇瑜。崙主招降。謂盜心已革。不許道途訊詰。故郡邑不敢問。開門揖盜。勦撫兩妨。昔奇瑜之流毒也。山西巡撫吳姓亦言。招安流盜最宜慎重。彼狼子野心。勢難馴伏。况邊地窮荒。無居無食。僅曰免死。遂甘心易慮乎。哉。上以秦盜猖獗。速巡撫練國。

事命李喬巡撫陝西十一月削總督陳奇瑜職。總勘
十二月進洪承疇兵部尙書總督河南山西陝西湖
廣保定真定等處軍務。其總督三邊如故。

自縛乞降。賊窘甚矣。雖不卽殺。亦宜分遣。乃給牌
以遣。後患豈計之善者。宜物議之沸騰也。

高傑降賀人龍

八月二十四日。賊先鋒高傑降于賀人龍。初傑與李
自成同夥。有驍勇名稱。翻山鶴。自成掠得邢氏。以貌
美嬖之。將出掠。留輜重家口于老營。令劉良佐守外。

營傑護內營有急互相救應。遣兵守之。自成既出。邢氏便婢遺傑嘉旨及白綾帳。遂與之通。傑懼事泄。挈邢氏及家丁五十人降于賀人龍。人龍率以襲賊。卻之。良佐聞因有歸朝意。

龐瑜死節

附王瑞冕

龐瑜字堅白。湖廣公安人。貢生。選京山教習。甲戌陞陝西平涼州崇信知縣。縣故無城。垣壘皆土。兵士遺黎僅百餘口。瑜知賊必至。流涕大言誓以死報國。未幾賊薄城。瑜解綬命僕走報土臺。尋城陷。瑜端坐公

堂不動賊。猝之下。命晚瑜揮拳罵曰。吾待死久矣。君
今速殺我。何敢辱天下士也。賊怒。以刃脅瑜。瑜益罵。
賊掠城中。無所得。執瑜至野。殺之。剖心裂屍而去。邑
某官朱洪道亦死。瑜善易。精爻象。未之官。日筮得姤
之革。驚曰。吾其歿於西乎。事聞。詔贈固原知州。命有
司立祠。致祭。同邑又有王端冕。由孝廉知趙州。會
大兵攻城。端冕治火藥。飭婢晚率吏民死守。城土已
陷。城陷被執。不屈。遂縛諸櫓射死。

戴君恩。誘斬王剛等。

正月初五壬辰降賊王剛王之臣通天柱等至太原
挾賞巡撫戴君恩設宴誘剛等斬之共斬四百二十
九人。會大旱饑民從賊者逾眾。

賊陷陳州等處

七月總兵尤世威兵潰于雒南。郡賊越盧氏。韓永甯
先是守隘諸兵露宿。凡三月。皆致疫痢。不在戰。左良
玉自南鄉赴援盧氏。十月初十日癸巳賊陷陳州。靈
寶。二十八日辛亥陷盧氏。

盧象昇勦楚賊

正月河南賊自鄖陽渡江。薄穀城。掠光化。新野。襄陽。賊六路俱集。郡兵不能支。又賊衆入郢界。圍均州。往荆門西北夷陵。四月。楚賊在房縣。婦倍于男。總兵張全昌擊敗之。川賊分三道。趨掠郡縣。張應昌兵敗于均州。六月。總督陳奇瑜。鄖撫盧象昇。剿竹山。竹溪。各山賊。斬獲甚衆。渰死墮崖死無算。

均州穀城光化二縣。俱屬襄陽府。荆門州屬承天府。夷陵屬荊州府。房縣與竹山竹溪二縣。俱屬鄖陽。

劉楚垣守荆門

劉楚垣字師仲。湖廣荆門州人。家世務農。性孝友。母病。衣不解帶二百日。母死。爲孺子泣三年。未嘗見齒。撫幼弟。悉以先世產讓之。天啓丁卯。舉鄉試。甲戌。流寇薄城。人心惶惶。楚垣率士民登陴捍禦。間出奇兵破賊。賊解去。城獲全。未幾病卒。卒時正襟危坐。手執一卷以逝。

曹文衡守唐縣

曹文衡號薇垣。河南南陽府唐縣人。萬曆丙辰進士。

歷官至薊遼總督會監視太監邵希韶。嘆其執法不
郊迎。不會飲。捏款許奏。被譴歸里。時流寇屢圍唐縣。
文衡與縣令紹興王之良登城固守。以砲聲識賊信。
緩急。若賊臨境。則發砲一。距城十里。則發砲二。圍城
則發砲三。久之賊去。唐縣距南陽府八十里。縣雖倖
全。而郡邑之各鄉鎮被禍最慘。凡數十百里內婦女
盡爲之掠。男子頭面耳目口鼻。以及手足無一人完
全者。此皆吾邑人所目擊而述也。

薊元祥霍山罵賊

龔元祥字子禎南直長洲人崇禎辛未以孝廉謁選
得霍山教諭與訓導姚允恭善甲戌賊寇江北正月
十一日長驅至城下焚掠矣邑令解綬竄去元祥率
士民固守或勸之微服避元祥毅然曰食祿而違其
難不忠臨危而棄其城不義吾平日所講說者何事
今若此耶設有不測唯有一死以報皇上耳亡何城
陷元祥整衣冠危坐賊至署元祥諭以大義賊不顧
逼令屈節元祥罵曰死卽死賊狗何敢辱我賊大怒
卽執之去索金帛元祥罵不絕口死之子炳衡同婢

文各遇害。元祥死。越五日。頭血成碧。鬚眉間猶怒色。
未解。以右手食指掐心。臂八寸許。姚允恭泣殮。隨與
俱殉。適邑令某過。解免。踰日。賊復至。允恭亦死之。元
祥嘗語門人曰。職無大小。皆可效忠。人亦問所以報
國家利生民耳。又嘗語季子曰。人生當爲忠臣義士。
形軀有盡。性靈不朽。蓋其忠孝性生。激昂自許如此。

熊文燦戴罪

十二月。總督兩廣熊文燦戴罪自效。先是文燦令守
道洪雲蒸巡道康承祖。參將夏之木。張一傑。往謝道。

山招降海寇劉香老。既而被執。文燦奏道將信賊自
陷。上曰。賊渠受撫。自當聽其輸誠。豈有登舟任撫之
理。弛備長寇。尙稱未知。督臣節制何事。故令戴罪。

童謠

初崇禎三年。溫體仁相京師。童謠云。崇皇帝溫閣老。
七年爲首相。京師又有謠云。崇禎皇帝遭溫了。皆取
溫瘟同音之義。俱不吉兆。由是用人不當。流寇猖獗。
誌異

二月海豐兩血。三月山陝大饑。民相食。山西自去

秋入月至是不雨大饑民相食 四月山西永甯川
民蘇倚哥殺父母炙而食之 樺川地震如雷 鳳
陽總督楊一鵬奏言去冬十一月有異鳥聚集淮泗
之間雀喙鷹翅兔足鼠爪來自西北千萬爲群未嘗
棲樹集于田食二麥亦異災也 五月飛蝗蔽天
六月江西饑 七月十一日乙未敘州定遠堡母渚
龍洞聞銅鼓聲一日夜 八月有大星從天墮大同
兵警 九月初四丁巳應天地震 河南大旱
古今逆子有矣未聞兼殺父母者也至于炙而食

之自有天地以來之所無者而今見之世運悖逆之氣于是乎極而天理人心至是絕矣不忍聞不忍載也

大清兵入塞

甲戌七月七日辛卯入大同張家口初八日壬辰保安懷來初九日癸巳京師戒嚴十三日丁酉圍宣府屯夫壽山十四戊戌馳入永甯十六庚子圍大同左衛破保安州殺知州閻生千乙酉至朔州圍渾源州八月丙辰破代州分道進東至繁峙中至八角西至

三。全入嶮。代陷靈工縣。閏八月辛未。攻保定竹帛口。
殺千總張修身。攻宣府萬全左衛。乃出塞。

明季北畧卷之十一

錫山計六奇用賓編輯

崇禎八年乙亥

劾溫體仁

正月兵部職方主事賀王聖劾溫體仁庸奸誤國。謫外。御史吳履中劾溫體仁王應熊并及監視內臣上切責之。

罷文震孟

文震孟字湛持號文起蘇之吳縣人天啓二年壬戌

狀元授修撰。上國步綦艱。聖衷宜啓。疏其畧云。蹙地
喪師。無歲不有。敗軍殺將。所在相聞。將使祖宗金甌
無缺之宇宙。日消月削。勢將瓦解。東支西潰。又同河
決。此皆諸臣悞國。以至于此。明知火之將爰。而處堂
自若。但俟火來。而燕飛亦料。水之必沸。而游金無愁。
猶冀水沸而魚躍。此又諸臣之愚而自悞也。云云。疏
奏。上怒。致仕崇禎戊辰。起侍讀。陞左中允。以逆璫爲
忤。復致仕。璫誅復起。八年七月。講春秋稱旨。待簡入
閣。辦事。十一月。與大學士何吾驥並罷。初。吾驥震孟

欲以工科給事許譽鼎補南京太常卿溫體仁與吏部尚書謝陞難之陞遂疏糾譽卿震孟止欲奪與卿俸體仁不肯震孟作色擲筆曰卽削籍無害體仁夕揭上而吾騶虞五朝罷矣

凡劾體仁者無不見責爲體仁劾者無不立罷除佞如拔石去賢若轉丸可爲三歎

宗秩改授

正月上以祖訓凡郡王子孫有文武才能堪任用者宗人府具以名聞朝廷考驗授以職遷除如常例侍

郎陳子壯上言宗秩改授適開僥倖之門。曠濬規。銓政上以其沮詔間親下于理。明年四月始得釋。已而宗秩蒞官多不法公私苦之。

各舉所知

八月上諭致治安民全在守令。命兩京文職三品以下五品以上各舉知府一人。無論科第貢監在內。翰林科道在外。撫按司道各舉州縣官一人。無論貢監吏上過期不舉。議處失舉連坐。

鄒維璉告歸

鄒維璉號匪石新昌人萬歷丁未進士爲吏部主事
有刑部主事譚謙益疏薦異才宋明時維璉上言自
古及今未有使鬼役神能破敵成功者楊漣擊魏忠
賢不勝維璉疏曰若王甫李輔國程元振仇士良我
朝曹吉祥劉瑾無一不誅且人主卽不肯割棄天下
必有代爲割棄者漢之張讓趙忠靈帝至以父母稱
之唐之田令孜僖宗以阿父呼之我朝王振英廟亦
嘗寵之群臣之上然而讓忠孜振何有一人老死牖
下以富貴終䟽入忠賢怒矯旨削籍遣戍夜郎崇禎

初起巡撫福建銅鼓嶂石屈塞等之役血戰入晝夜
俘斬數千級當國者忌其才逐之乙亥再起兵部侍郎
隨子告歸尋卒于家

董其昌致仕

董其昌字元宰號思白華亭人。哲年賦詩詔必驚人。
又從莫中江遊得荆川舉業正派中萬歷己丑進士。
官庶吉士。授編修訓後學有藉蓄數則及十字訣義。
望重一時。忤時相出督學湖廣陞福建參議。廷臣交
章薦召爲經筵日講。天啓初擢太僕寺卿。旣而讀曹

洞語錄有省。崇禎乙亥以禮部尚書兼太子太保致仕。又二年卒。年八十有二。書畫妙天下。家多姬侍。各具絹素。索畫。購其真跡者。得之閨房者。爲多。南都子諡文敏。

予先伯昔遊楚。適公督學。生童同試。平且悉坐號。房公起步出封門。衆皆立。公諭曰。童生坐。生員皆坐。公還位久之。生童請題。公曰。題出久矣。衆始悟。又試一邑。前夕硃書粘署前云。明日不考文。次日諸生俟久。題竟寂然。請之。公曰。本道昨日已出題。

于外矣。眾始爽然而退。

曹文詔自刎

時賊大夥在秦。勦撫未定。諸督撫前後數十輩。或被
譴去。或逮繫去。或死西市。或戰死。逃死。不可勝計。惟
秦督洪承疇勦禦有方。遂自秦撫進五省都督。每逐
賊。盡馳往。還數千里。每在官舍過門不入。士卒感其
義。爭爲效死。楊嗣昌在樞部。忌其才績。意弗善也。正
月賊陷靈臺。二月十二日。壬戌。漢中賊陷甯羌。六月
初七日。己酉。陷西和。十九日。丁酉。免陝西巡撫李喬。

官以庸懦充寇也。以甘寧關代攝陝西。二十七日丙午曹文詔力竭自刎。文詔敢開前後殺賊萬計。官軍聞之奪氣。七月十五日癸亥賊攻陷澄城。八月初五壬午陷咸陽。

河南流寇充斥

正月初六日丁巳賊陷滎陽屠汜水。又陷固始時秦賊數千萬出關分三十六道掠郡邑。給事中常白裕上言中原天下安危所係。今羣盜充斥。乃僅以左良玉一旅塞新澗。陳邦治等數營扼汝州。陳永福孤軍

增南陽賊營。蠶屯以數千。官軍東西堵拒。賊何畏而
不長驅哉。乞更選邊兵。統以廉勇之將。特選重臣親
師。庶腹心不致決裂也。河南賊復入漢中。陷甯遠。

兵部議調西北邊兵及南兵發內帑銀二十萬口
餉九十餘萬。命洪承疇統率出關。節制諸路撫鎮。令
力勦賊期。以六月承疇率軍赴河南。時賊往來不定。
豫中尤稱要衝。關陝以東。黃河以南。襄陽以北。延袤
數千里。所在馳突。六月下河南。巡撫元嘯于獄。謂其
意陽也。而代之者陳必謙。必謙常熟人。萬歷四十二

年癸丑進士與盧象昇協力勦賊部鎮諸將左良玉
陳永福趙國柱等斬興世王于郊縣關世王于白沙
整齊王于宜陽掃地王于郊豫思少息已而赦詔到
豫必謙知其詐欲令面縛詣軍門副將王進忠勦賊
無功思以款自効單騎入賊營爲賊所殺必謙竟以
此罷賊又破盧氏十月十五壬辰襲陷陝州攻圍永
甯破冀庄馬庄等寨及响峪等十三村十一月總兵
祖寬破賊于九嵩賊潰爲二東走偃蓋南走汝州寬
分兵襲擊之斬首千級十二月初十日乙酉賊聞王

曹操數十萬圍光州。昇大砲二十座攻城。然二礮城崩。城中頃刻火作。城乘而入。官吏士民屠戮無遺。

盧象昇戰功

盧象昇字建斗。號九台。宜興人。少讀史。至睢陽武穆。輒歎曰。吾得爲斯人足矣。登天啓壬戌進士。授戶部主事。差清源。舉卓異。陞大名知府。遷山東副使。崇禎己巳。募兵勤王。兵退。上元雄兵備寇。與馳行郡內。出徽州縣。繕城治具。率衆往遇賊數萬。象昇弗卻。中一矢須傷。又一矢橫天斃馬。下象昇且戰且走。會後兵

至乃免賊衆趨府城而潛分兵攻滑象昇偵知之戒
守城士勿動選精騎潛出設伏草莽賊至卒發大敗
之斬級數千賊相戒曰此盧閻王遇卽死不可犯象
昇以是有能兵名賊懼南渡河河以南所至殘戮七
年中戊賊破鄖陽命象昇撫鄖鄖大治八年乙亥命
象昇撫楚賊又懼流河南總兵祖寬于雒陽等處三
戰三捷斬級二千軍聲大振象昇遂晉兵部侍郎總
督直隸河南山東四川等處七省軍務統關遼兵賜
尚方劔便宜行事會乙亥歲杪滁州攻圍甚急知州

劉大輦馳檄請救。疾赴援。與賊戰。大敗之。象昇會諸將曰。兵貴神速。今賊氣已衰。失此不擊。長患安窮。趣兵乘其後。賊又大敗。遁走承襲。象昇率眾追之。獨以數百騎入陣中。爲賊圍困。二日。賊不敢犯。象昇與諸將約曰。食盡道窮。留此死。擊不勝亦死。吾當力衝之。乃率騎疾闚。擊殺萬人。食斷道越三日。賊投戈請降。其及之于滁。將盡勦無遺。顧以淮督朱大典莫爲堵截。復逸去。

擒爬天王

二月新黃大盜爬天王擁眾八百餘人村人擒之身
長八尺自言天亡我非我罪也

流賊陷潁川

賊在江北者七年甲戌十二月初十日壬戌陷英山
焚霍山二邑屬廬州府英山深遼入百里賊踞爲窟
穴時出攻掠八年乙亥正月初九日庚申賊陷霍山
十一日壬戌陷潁川知州尹夢鰲通判趙士寬俱聞
室死之時有同守縣丞某及訓導倪可大俱死尹夢
鰲雲南人舉人官潁川有惠政正月十一流寇攻城

夢鰲率民兵登城守禦。十二日寇搆城腳傾陷數丈。百姓見勢不支。咸奔避。夢鰲長跪求固守。百姓不從。竟潰散。夢鰲獨持大刀當城。傾壞處賊緣城而上。夢鰲揮刀殺十七人。賊大隊畢登。夢鰲四顧。竟無一人共事者。卽投烏龍潭淹死。趙士寬字汝良。號萊蓼。山東萊州府掖縣人。以官生爲鳳陽通判。時適往壽州。聞賊犯潁。一日夜馳三百里歸潁。城守甫入而圍合。士寬欲守禦。而州之大家先逃。城內大頽。賊乘以入。士寬赴黑龍潭水死。妻崔氏與二女同縊。州役從死。

者十餘人。贈光祿寺寺丞張大同字同目號鶴鳴。川入兵部尙書鶴鳴長子也。爲太學生能文重聲氣。與海內知名士交流。寇破潁用城。鶴鳴避匿他所。大同居本宅。題其門曰張大相公書房。在此賊入擒之。張之跪不屈。問其父何在。曰要殺便殺。吾父不可得也。已而張氏奴導賊于民舍。縛鶴鳴歸。拷索藏金。對曰無大同爭。曰家財悉我所掌。與父無涉。賊不聽。搜其室。見皆古玉及陶器。遂劈鶴鳴頂達踵。大同奮臂大罵。賊併欲殺之。旁賊勸曰。旣殺其父。姑留其子。但

明倫彙編 家範典 卷十一
命獻金贖命可也。太同曰：父死義不獨生。烈賊
光去其鬚，既復斫其半面，罵仍不絕聲。賊支解之。
張鶴鳴立朝，願爲吏，林所不與。若大同之慷慨激
烈，死忠死孝，幹盡多矣。

賊陷鳳陽

先是七年正月，南京兵部副書呂維祺以城勢逼，奏言南都鳳泗承天陵寢所在，乞勅淮撫楊一鵬急爲預備防賊。東犯至是，賊自汝南來，密遣壯士三百人，僞爲商賈車役，先入鳳陽，或鬻錦悅椒棗，或爲僧

道乞丐等分投各宿。隨以重兵繼之。時方元夕。士女如雲。笙歌徹耳。忽火光四起。咸呼曰。流賊至矣。百姓狂奔不啻鷄入釜中。魚遶網內。也是時鳳陽無城可守。雖有總漕楊一鵬駐扎兵不過二千餘。皆市人不習戰。賊大至。官軍無一人迎敵者。遂潰。賊焚皇陵。燒享殿。燔松三十萬株。殺守陵太監六十餘人。縱高牆罪宗百餘人留守朱國巷。戰斬賊二十七人。力竭死。賊渠掃地王太平王入府城。知府顏容暄因服匿獄中。賊縱囚獲之。張蓋鼓吹。杖容暄于堂下死之。殺推

官萬文英等六人。武官四十一人。士民被殺者數萬。
剖孕婦。注嬰兒于渠。焚公私邸舍二萬餘間。光燭百
里。賊渠列幟。白標古元真龍皇帝。恣掠三日。太監盧
九德總兵楊御蕃。以川兵三千救鳳陽。南京參將焦
某率兵亦至。賊卜于神祠。不利。剽神像而去。拔營南
下。趨廬州。

萬文英。字仲實。江西南昌人。子萬元亨。字爾嘉。小字
芳生。幼穎異。十歲通五經。十五補博士弟子員。從父
交英司理鳳陽。流寇從姑山永城來犯。時文英有父

喪聞訃業辭上官。行有日矣。適因哀毀過甚。臥疾案牘房。忽人馬洶湧。喧聲如沸。文英急問爲誰。左右曰。燈市鬧時。蓋元夕也。俄而賊已入司理署矣。左右曰。賊覘之則流寇也。文英曰。吾必以死殉國。強起披衣。然病甚。輒起輒仆。于是賊急索理官。安在。元亨泣語父曰。吾不得復事吾父矣。急着青衫出。大呼曰。死賊若索官何爲。吾乃官也。賊遂厲聲脇之。元亨大罵不絕聲。賊首怒甚。命旁賊加刃。所持庖人食刀。刀無鋒。割不能斷脰。至數十割。元亨乃死死。惟呼阿爹阿爹。

賊不知鄉音爲何卒以此爲理官也。遂置文英而去。方元亨青衫大呼其師萬思尹出視之。賊併執思尹將加刃。元亨抗聲曰。若所欲得者官耳。何與渠事。賊亦卒舍思尹。元亨死時年僅十六齡云。總漕中丞以其事聞于朝。已而閱視科臣林淮揚按臣張覆覈之。請得旌揚如例。然前載文英被害。而此云置文英而者。或置後而死者歟。

傅烈婦。孝感人。歸戶部主事程良儒翰林侍讀程正揆之母。舒烈婦卽正揆元配也。先是正揆爲侍讀時。

良儒居于鳳陽。傅氏偕舒氏以從。俄傅病。正揆性至孝。連章請假。請致仕。請終養。僉不許。于是徑路陳乞。不待掌院代題。溫體仁謂非例。意弗善。正揆曰。某獨子也。非獨功名雞肋。卽性命亦等鴻毛耳。旋得旨省親。遂于甲戌冬出京。至乙亥正月十日抵鳳陽。僅五日而賊變作。良儒固無守土責。或有勸徙臨淮者。傅氏曰。鳳陽無城。民心易動。一動則無民。無民則無鳳。無鳳則無陵。我將焉往。顧謂正揆曰。盍去諸。正揆曰。兒爲省父母來。今有變。挈妻子去。非情也。有生。死。追。

隨膝下已耳。十五日早。殺聲沸天。正撥銜。服破垣出。匿母妻眷。屬于署之左塘茅屋中。良儒獨死守倉儲。而以勅印付傅氏負之。是夜賊肆焚屋。火焰逼人。正揆失母妻所在。痛哭呼號。獨攜二僕曰蔣曰申出入賊營偵伺消息。凡三晝夜。白刃加頸者數十次。幸免。當被執時。賊魁問陵內多寶乎。正揆曰。太祖登壇後。始巍煥改觀。其初不過尋常墳墓耳。但有官甬環衛。而無珍寶以藏。賊乃已。子大年止十三歲。亦擄去。祖孫父子夫婦兄弟。無得全者。未幾賊去。倉儲無恙。而

正揆覓得母妻於血肉狼籍中。時傅氏額中一刀。手
斷一指。眼受一棍。舒氏面中三刀。身中十二刀。兩手
掌被二指。僵臥牆角。聲氣如絲。移就一室。敷以創藥。
卒不救。相繼俱卒。明年子大年自鳳翔府乘間逸歸。
十五年壬午。具疏請卹。奉旨俱贈恭人。建坊旌表。
揆字端伯。二月巡按鳳陽御史吳振纓疏奏鳳陽之
變。是日上當經筵。特傳免素服避殿。親祭告太廟。命
百官修省。連巡撫鳳陽都御史楊一鵬并吳振纓下
獄。一鵬論死棄西市。振纓遣戍。

十月上下罪已詔曰。朕以涼德。纘承大統。不期倚用
匪人。邊乃三入。寇則七年。師徒暴露。黎庶顛連。國帑
匱。詘而往。調未已。閭閻凋敝。而加派難停。中夜思惟。
不勝愧憤。今調勅兵留新餉。立護元元。務在此舉。惟
是行間文武六十勞苦。飢寒深切。朕念念其風食露
宿。朕不忍安。深宮念其飲水食麤。朕不忍獨享甘
旨。念其披堅冒險。朕不忍獨衣文繡。擇茲十月三日。
避居武英殿。減膳撤樂。非典禮事。惟以青衣從事。與
我行間文武吏士甘苦其之。以寇平之日爲止。文武

官其各省。歷澤。廣。用回天心以救民命。十一月賊
被祖寬所敗。進逼鳳陽。朱大典率兵馳壽州。十二月
城鳳陽。鳳陽向無城者。或恐王氣洩耳。

方震孺守壽州

方震孺字孩未。桐城人。遷壽州。母孔氏。夢正學先生
來。腋而生。萬曆癸丑進士。授福建沙縣令。擢湖廣道
御史。尋廟初請。遂忠賢。遠客氏。忠賢惠甚。會遼陽不
守。震孺一日十三疏。籌畫痛哭。又自請犒師。齎卹而
按遼之命下矣。此受事。疏言廣寧情形。戰不成。戰守

不成守。經撫心同手異。疆事必致大壞。壬戌正月。
大兵夜渡。空河。祖大壽駐覺華島。震濡恐其降敵。遂
帥都司張國卿航海往說之。大壽遂攜糧十萬。兵數
萬。西歸。主事吳淳夫。徐大化。逢璫意。劾其攘差。遂乞
歸。乙丑。給事中郭興治復誣劾之。忠賢矯旨逮問。坐
贖六千四百日。一杖比。復誣其在獄。與劉鐸詛咒。擬
斬。忽傳太子生得免。崇禎初。欲大用。而劉鴻訓柄國。
素重賄震濡。不可。自言與楊左八獄時。共十七人。今
惟與惠世揚兩人在。白骨再肉。華表重來。若再作宦

海汨沒之想便是冥頑不靈。男子自是息影社門。日
事禪誦。絕口不談仕進事。癸酉甲戌間。流寇充斥。大
江以北。人無固志。乙亥正月。賴霍告陷。賊至壽州。時
壽守土無一官。父老子弟請震孺爲城守。計震孺破
家給士。乘城拒守。捍禦諸具。一夕皆備。未幾萬衆肉
薄環攻。震孺親冒矢石。用砲鐵斨。料又絕城出死
士。刳其營。斬獲無算。賊乃駭遁。及丙子冬。再犯和舍。
道經壽界。去城不三里。而卒不敢正視也。撫軍史可
法上其功。當擢用。因家宰有小嫌。僅補嶺西叅議。未

幾有湯楊二將踞廉州以叛。總制沈猶龍委南韶道
王孫蘭往禦。孫蘭絀死。震孺單騎直入其營。諭以禍
福。卒兵皆降。全廣得安。不半載擢爲廣西巡撫。蓋出
于上意也。宏光立。震孺拜疏。願親提兵過河與賊一
與。馬士英阮大鍼見之曰。彼來吾輩無幸矣。遂矯旨
語云。撫臣勤王。不得自行。震孺鬱鬱失志。每自言曰。
兩都諸臣。忍忘先帝仇乎。吾當爲先帝斷髮。城耳病
遽不起。索筆題詩。有一痛橋山。幸回首。麻衣如雪見
先皇之句。仲子惟馨仕閩。兵部司務署家。其上

討事有曰蕭王爲將而不爲天子此光武所以獲
物也。宋高爲天子而不爲將。此紹興所以終南渡也。
時謂名言。大清兵南下。痛哭疾走。南雖委頓。逆旅
嘔血而卒。子居易髮覆額。亦不願回里。隨死之。

乙未亳州知州何燮被執不屈爲賊寸磔

吳大朴守廬州

附野編

正月張獻忠自鳳陽趨廬州。圍之。知府吳大
民固守晝夜。拒戰。城內行市。悉用磚石。包紮城。砌
如銜。然壁間多作隙。使強壯內伏。操戈伺。凡反

瓶火砲藥鎗噴鎗以及滾木等無不悉備賊薄城城上發百子炮擊殺千百人而攻圍益急大朴登城周望四面督賊其勢甚銳急發火砲及滾木復擊死無算間有勇壯洞城入者四圍皆壁馬不得旋屋內伏兵對刺之賊欲返刺輒以壁蔽不得施其技無不立斃賊衆始懼攻擊七晝夜城中隨機應之賊無如之何乃退然大朴以戰守勞苦自幾喪明長子多材畧分任軍旅事大朴卽昔年全吾錫者康熙初存者廬州圍城中來者語子云崇禎八年正月十四日

首混天王等圍廬數日。城中有許宦妾適摩也善射。射賊攻城急。妾馳城上。窺救時賊將二大王已登月城。守者發砲。寂然無聲。衆大懼。許妾曰。未發砲耳。卽嚙指出血。旋灑炮上以祭之。躬自焚火。砲應時而震。擊毀城樓半截。二大王立斃。賊遂遁走。至今廬州民間有一砲打死二大王之謠。是歲十二月十七日。李自成復攻廬州。凡六日。不破解。圍去。及十四年辛巳。復攻。迨十五年五月始破。

大朴號潯元河南充國始人天啟壬戌進士

初令無錫

昔武宗時劉趙倡亂許達守山東濟南府。達
曾以包砌屋壁却賊大朴始得其道。
噓指一事。卽南八男兒之烈。何以加茲。

賊陷巢縣

親見者述

賊既去。應州正月二十一日。至柘皋劫掠。柘皋巢地
也。距縣六十里。難民奔告。邑令嚴某。浙之錢林人。素
酷。得報猶不信。乃曰。此响馬盜耳。何流賊之有。反咎
之。已而遣二人偵視。二十二日甲戌卯侯。嚴令肩輿
出。將閉城。經養濟院。猝遇兩騎手執紅旗。自北門馳

八級役見之驚走。嚴令趨匿院內。街衢寂無一人。二騎馳至南門。俄返。卽有五騎從行。頃之復有五騎。二家絡繹擁附者甚衆。賊登城執旗四拂。巷肆中爭出。應之皆賊。潛伏城內者。凡平日絹帽。質布星相卜筮之屬。無不皆是。須臾二百餘人。已而後隊大至。約三千人。初執旗二人自南門返。見院前遺蟻。詰令所在。衆出之。賊挾至縣。賊曰。死因汝。今殺我。後必有人斬汝。賊怒殺之。年甫四十耳。妻某氏。長子年二十。俱被害。次子年十二。幼子九歲。俟負之越垣而逸。長

女年十八次女十六有殊色賊携懷中使捧觴女舉
盃擊賊面且冒曰死賊汝惡貫滿盈天子將發兵勦
汝任汝殺我吾何懼哉賊大怒舉刀殺之一云携去
陸孝廉趙主事俱被殺凡殺百姓千餘人賊初至卽
聚火先索騾馬次索金銀子女婦人悉貫以索閉于
縣內大肆淫穢釋囚數百願從之去者卽與衣鎗二
十駐一日二十四日將往舒城四門舉火三砲拔營
而去至十二月二十四日庚子賊自廬復至巢知縣
王明德江右人鑒于嚴令豫備小舟南爲聞賊至卽

登舟走百姓奔竄歸入城無所得焚舍數處而去後
庚辰辛巳兩年賊復至巢則巢邑之被難凡四矣

章可試守舒城

三月二十四日乙亥賊攻舒城知縣章可試塞三門
開西門誘賊入陷于坑奔潰死千人因掠霍山合肥
縣祿婦人數千置于城下少媿沮卽磔之攻三日而
去嗟嗟婦人何罪裸之磔之賊至凶惡一至于此

賊襲廬江

正月二十七日戊寅賊自舒城抵廬江邑人具幣求

免僞許之夜襲城城陷

賊陷無爲州

此兼野史

正月二十八日己卯賊至無爲州使偏裨野掠與鄉兵戰敗乃駐營池河張守備率兵出禦以衆寡不敵而敗被殺兵盡殲焉池河千戶某亦歿于陣州遂陷

包文達宿松死節

包文達字行甫其先江夏人以開國靖難北征功世襲蘇州衛指揮同知父世爵有方畧官未幾歿漕事文達厲志好學年二十襲職在官凡十五年乙亥正

月○統○寇○犯○安○慶○巡○撫○張○國○維○命○從○征○文○達○治○酒○延○親○知○語○曰○愛○國○恩○三○百○年○此○身○亦○欲○用○之○入○內○別○母○再○拜○而○出○登○舟○見○朽○甲○鈍○戈○歎○息○者○再○既○渡○江○二○月○二○日○癸○未○賊○陷○潛○山○警○益○急○國○維○命○文○達○疾○驅○至○院○時○統○兵○官○凡○四○人○有○忌○文○達○者○獨○令○居○後○資○糧○缺○絕○未○幾○督○進○者○羽○若○星○下○既○抵○賊○所○人○馬○飢○疲○疑○懼○而○前○謀○人○人○殊○偶○得○賊○哨○一○騎○傾○其○囊○出○白○金○若○干○爭○析○者○乃○雜○然○聚○譁○驛○報○賊○零○散○易○襲○躍○馬○爭○出○文○達○諫○不○聽○從○之○行○諸○軍○素○苦○諸○弁○腴○削○人○有○離○心○賊○伏○四○

相逐鳥獸。火器被雨亦不效。從者引文達退。文達
不可。策馬奮進。故善射。亟發矢。盡脇中。流矢墮馬。
強起拔矢。揮刀再戰。援絕力竭。賊迫令卸甲降。文達
瞋目怒罵。賊砍其左臂。斷首而去。笑且罵曰。吾所至
風靡。吳兒何能爲。乃奮螳臂。當我獨如包某。猶不失
爲一將耳。主人悲其死。廟祭其地。鄉賢士大夫。具饌
張世偉輩。咸爲文哭之。而諸生金俊明紀其事。

石電戰死

石電。字執人。世爲丐。僑居長洲之彩雲里。崇禎八年。

流寇躡中都圍桐城江南震動電所與游同志陳
從指揮包文達往援要電與俱電曰吾老矣不食軍
門升斗粟奚而往英曰我輩平生以汝爲眉目汝不
往是無導帥也幸強爲一行電曰諾襖被而出終不
反顧二月十二日追賊于宿松我師恃勇輒進陷賊
伏中文達死之電與英分左右翼薄賊自辰至晡殺
賊無算英蹟被擒電大呼往救賊圍之數重電力盡
舍鎗手乃射殺數人賊群斫之頭既斷猶僵立爲擊
刺狀良久乃仆腕人招其魂祀之余忠宣廟下電身

長髯赤能挽強超距。尤精于鎗法。有善鎗者。典衣裹糧。不遠數百里。盡其技而後已。遂以鎗名。江南虞山錢謙益紀其事。

二月初四己酉賊陷羅田。

黎宏業和州自縊

十二月二十四日庚子賊犯含山。含山縣屬和州。民聞賊至。遁走城遂空。賊知士民犇匿。和州卽率衆往。二十六日至和。知州黎宏業。廣州順德人。率軍民固守。凡含山百姓入城者。俱不容出。約邑紳馬如蛟等。

出金牆土。賊攻城發砲擊之。傷賊頗衆。賊遂移營十里。三日不攻。初賊未至時。聞城久不寢。至是復晝夜拒戰。疲甚。見賊營稍遠。咸有懈心。晝雖守堞。晚卽各歸。二十八日。賊率精銳用梯攻城。城上發砲擊殺百餘人。賊復頂方桌掘城。城上擲薪焚燬。是夕三鼓風雷漸急。賊用大砲擊西門。守者不能支。多潰走。賊蟻附而登。宏業回署縋書壁云。爲官不負民。爲臣不負君。惠孝誠已盡。死生安足論。學正康正諫總督周廷儒訓導趙世選俱死之。正諫撤州郝門人。

馬如蛟字騰仲號訥齋和州人天啟壬戌進士與倪
元略黃道周同出韓太史目續門授由陰令所食米
悉巨和葢致戊辰擢入爲侍御史己巳巡按四川辛
未巡漕以武闡貽累落職歸佐父歲施棺數百前後
焚券甚衆又族人耕者丁田讀者予塾生者予聚死
者予藏和人以爲范文正再見云甲戌丁艱乙亥十
二月二十六日賊寇和州如蛟涕泣誓衆散家貲練
鄉勇佐黎弘業嬰城固守二十七日賊騎達圍三匝
買門搭梯晝夜環攻如蛟用柵擊死數百人賊計窮

將引去忽颶風大作燈火風沙掩面不見守者
城遂陷如較曰事迫矣坐以待斃何益乎急下令相
從擊賊者予百金須臾得此士百人鼓勇巷戰良久
力屈奔水次當可渡渡且生矣如較曰清流湯湯不
照偷生顏面卒力戰死之兄運尹如虬諸生如虹及
男婦死者十有四人。事聞詔贈太僕寺卿。蔭一子爲
國子生。魯可縻和州人。其言失城本末曰人心未
收。關隘未守。奸細未誅。亂民未靖云云。
賊駐和州四日。至九年正月初四。乃去。屠戮甚衆。民

其走南京。守臣恐賊混入。不許過江。誠厄運也。李操江遣兵守江。令王守備詣和州偵賊于江濱。見一乞兒。貌甚修偉。兩童子隨行。年可十二三。擒之。索其體。肱內刺賊號太河第八。攢天龍。乃入金陵爲聞者。兩童子亦善騎射。皆猾賊也。解至南京。誅之。賊是春寇金椒陳家市。及破和以後。復掠烏江。百姓本竄前阻大江。後有追賊。多躍入江中死。康熙三年。閏七月二十一日。和州庠友雍爾玉語子曰。敝州遇流寇之難。殺人十之九。閭里凋蕪。有不忍言者。

賊破和州。其魁混天王與徒黨酣飲。使美人相餽。既
醉。偕寢。及覺。呼之不得。令左右秉燭四覓。已絕矣。賊
嗟嘆良久。已而褫其衣。投之抗阿。又有甘氏。智
人也。年少而美。以家富不能速遷。賊信急。豫取巴豆
藏之。已而被涼。賊將欲汙之。甘氏辭曰。今佳麗甚多。
先與爲歡。遲我三日。永侍箕箒。何必速耶。賊訊之。甘
氏曰。身不潔耳。乃已。又數日。復求合。更以陰囊給之。
又止。賊以甘美。艷慮爲二王得其氏。曰。君勿憂。吾有
計在。乃以饍血及膏藥等傅而果免。又誘賊將曰。吾

與汝義爲夫婦。此非容身地。宜他適。乃可。賊將從之。遂攜輕寶潛遁。一日密以巴豆進賊。賊暴死。甘將寶昇歸。與夫復合。爲鉅富云。此出野史

李繼樾守江浦

江浦孫屬應天府。距和州六十里。乙亥十二月三十日。城渠八大王自和趨至圍西門。又圍南北兩門。惟大東小東二門不圍。知縣李繼樾登陴防禦。南京遣游擊江迎吉以下人駐浦口。又游擊蔣都蘇人也。以五百人踞城中。合鄉兵固守。分詰奸細。如謀人入。僞

稱江北人。則令江軍解北語者詰之。僞稱江南人。則令將軍習南音者詰之。一日城中獲諜僞稱南人使。蔣軍訊問。不能出一言。立梟示城內。賊悉擒斬。訖謀遂絕。外賊猶未知。忽數人登堞。有屠兒誘之。執其手。抽刀斷臂墮下。賊始知謀洩。乃退。李繼樾追賊。鏖戰。奮臂大呼。所向辟易。賊衆宵遁。後繼樾與蔣都等俱陞。賞有差。宏光朝繼樾陞科道。康熙己酉三月十三日江浦人劉肇名述。

流寇蹂躪南省如潁川鳳陽巢縣舒城廬江無爲

州和州等處。所至破滅。屠戮人民。不可勝計。其僅
存者。不過壽州與廬州耳。然廬州僧或城堅易守。
至于江浦。斗大孤城。靴尖可倒。乃能固守無虞。抑
且追賊。鏖戰。李公膽。智高人一等矣。庚戌六月七
日筆。

鄭芝龍擊劉香老

初芝龍爲海盜。天啟七年。犯閩中。銅山中。左等處。崇
禎元年五月。招之。九月。芝龍降于巡撫熊文煥。授以
游擊。五年壬申十一月。劉香老犯福建小埕。芝龍擊

走之。六年海盜劉香老犯長樂。甲戌四月又寇海豐。
乙亥四月芝龍合粵兵擊劉香老于四尾。遣洋香老
脇兵備道洪雲蒸出船止。兵雲蒸大呼曰。我矢死報
國。亟擊勿失。遂遇害。香老勢蹙。自林溺死。康永祖夏
之木張一傑脫歸。十三年八月加芝龍總兵。芝龍既
倖劉香海氛頗息。因以海利交通朝貴。寢以大顯。
芝龍泉州人。泉州郡城南三十里安平鎮。芝龍府在
焉。芝龍初習海。知海情。凡海盜皆故盟。或出門下。自
就撫後。海船不得鄭氏令旗。不能往來。每一船例入

三千金歲八年萬計芝龍以此富敵國自築城于安平海稍直通臥內可泊船徑達海其守城兵自給餉不取于官旗幟鮮明戈甲堅利比賊糧入海者倣付芝龍取之如寄

鄭芝龍小傳

芝龍號飛黃福建漳州府漳鎮人離府六十里濱于海父翔字祖壽震世府掾飛黃行居四三兄亦府掾飛黃年十八早緣掾缺上役已擇吉有期矣父多妾媵其生第六子之母與飛黃構別情一日爲飛黃理

飛黃以手挿入其裙腰。謂情意密。父自後走出。飛黃提縮勢急。裙帶爲絕。父目擊。持棍怒逐飛黃。奔一飄洋船。時蓋泊其舍傍也。父怒。方罵聲言。尋出殺之。急切不得歸。洋船又刻時掛帆。飛黃懇巨商帶往日本。飛黃固姣好色。媚愛之者非一商。遂與俱往。至則各商有發貨置貨之煩。飛黃獨無所事。日就島主宴飲歌舞。時島主家有文君。悅之。卽國姓鄭成功之母也。贅入爲日本人。偕來。艘已返。且未歸。生一子。國姓也。再一年前。艘與客又至。乃隻身附歸。至中途爲海。

盜所劫。飛黃亦隨船貨作千金分與主。寨之賊賊。賊之海盜有十寨。寨各有主。停一年。飛黃之主有疾。疾且痼。九主爲之宰牲療祭。飛黃乃泣求其主。明日祭後必會。飲乞衆力爲我放一洋。獲之有無多寡。皆我之命。煩緩煩懇之。主如言。衆各欣然。劫四艘貨物皆自暹邏來者。每艘約二十餘萬。九主重信義。盡畀飛黃。飛黃之富逾十寨矣。海中以富爲尊。其主亦就租。飛黃遂爲十主中之一。一時則船夥藉登金運家。擢爲杭細軟。兩京大內寶玩興。賜賜朝鮮。具膳占域。

備齊等國。兼掠犯東粵。潮惠崖肇福游汀閩台紹等處。此天啟初年事也。閩粵兩撫爲勦除策。各遣海道張濬。李芳枝二人先駐海涯。揚旗震鼓。以集調王漢等兵。不逾三夕。兩道臣爲飛黃取入海寨。二撫悔恨無策。勦撫並消。不得不上聞。飛黃亦日醉。二道臣于洪波中。恐之侮之。絕不甚危之。三月餘。主撫之目下。頽且設漳鎮叅將府之座。以待飛黃。飛黃遂挾二道臣登涯就職矣。兩撫以脫卸爲事。仍叙功加部銜。官保不等。飛黃又多所贈。至喜也。其在海九寨爲王者。

爲劉香陷飛黃故轍。爲海邊患。飛黃則盡力窘之。幾窮逼其無挽泊處。香甚恨焉。訪飛黃在漳鎮。盡遣其黨圍其居而擒焉。飛黃見曰。吾爲岸上貪官污吏所束縛。正欲仍來入夥。問舟泊何處。卽先遣家眷登入。復盡捲家之所有歸船。飛黃又曰。室中酒肉甚多。何不暢飲而去。乃令治具。取其精腴者。咨爲飽渥。碗酒塊肉。數指輪拳至。醉而酹酹者。隨身之力。各倒地。捫壁不顧矣。忽聞鑼响。頭皆落地。飛黃取上家眷什物。解其衣甲衣。我家丁駕彼之舡。挺立船頭。劉香遙望。

本船衣飾與飛黃大喜而呼曰。來矣。飛黃亦應曰。來矣。卽躍上岸。乘其不備。舉刀便斫。劉香旣殺。餘皆跪拜投降。海上從此太平。往來各國皆飛黃旗號。滄海大洋如內地矣。撫按又爲報功。因陞漳潮兩府副總兵。後至崇禎末年。百計營求。欲得福開全省正總兵。齎銀十萬至京師。大小司馬手長膽炫不敢也。至十七年三月。此銀爲流賊所得。至宏光朝。馬士英晉之以五等之爵。封靖海侯矣。至隆武朝。疏陳有子在日。本隆武召歸。竟立爲己子。賜國姓矣。不久飛黃亦卽

歸

大清

此芝龍族婦翁吉燧所述

遺聞云芝龍有弟芝虎。勇冠三軍。以征劉香。歿于海。次鵠。述次芝豹。一門聲勢。烜赫東南。

孝子馮時化

馮時化。無錫人。讀書遇忠孝事。輒欣慕執轡。母病。殆。蒸香祝天。剋肉調羹。母飲之立瘥。時化嘗拾遺金。保。護三日。伺其人返之。隱德至行。殆今人而古處者歟。

旌貞女鄭氏

按氏鄭惟順女。幼字詞臣馬世奇。長子瑜聞瑜病歿。

驟掣一刀截髮。奪而復掣者三。防之密終不得截。遂以首抵火。焚髮幾盡。且哭且踊。踴告祖母及母。求過夫家執喪。母猶豫。卽擲身墜樓求死。母知志不可奪。聞于夫家。時瑜父世奇官京師。祖希尹卽具禮往迎。入門後。縞衣練服。執三年喪。却甘飲藜。砥志堅苦。瑜塋憑棺悲慟。道路哀之。順治戊子。學臣蘇銓。踰題建坊旌表。

馬世奇。自京爲文寄哭子曰。吾自聞兒媳矢志從一。每心幸兒之有婦。而又聞諸愛人以姑息者。恐未必

能令兒之終有婦也而今兒果有婦矣

誌異

七月己酉朔山西汾州府臨縣大雨電三日。積二尺餘傷秋九月二十五日壬申癸亥犯太微